



Broj: 10/E-11-1826/25
Sarajevo, 18-04-2025 . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Opštinskog načelnika broj: 10-45-164/25 od 05.03.2025. godine, (u daljem tekstu: Komisija III), u postupku javne nabavke: Izvođenje radova na tekućem održavanju pješačke šetnice (pločnika) sa trgov u ulici Maršala Tita (lijeva strana, putem otvorenog postupka (Zapisnik o pregledu i ocjeni ponuda broj: 10/E-11-1826/25 od 15-04-2025 godine), Općinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača „DINALSA“ d.o.o. Sarajevo, Ulica Huseina Đoze br. 3, 71000 Sarajevo, ID broj: 4200426560007, broj ponude: 0104/25 od 10.04.2025. godine, za izvođenje radova na tekućem održavanju pješačke šetnice (pločnika) sa trgov u ulici Maršala Tita (lijeva strana), putem otvorenog postupka, sa cijenom u ukupnom iznosu od **434.788,20 KM bez PDV-a**, odnosno **508.702,19 KM sa PDV-OM** i rokom plaćanja **60 (šezdeset) kalendarskih dana**.
- II.** Izabrani ponuđač je dokaze iz tačke 7.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na Protokol Ugovornog organa. (originalne ili ovjerene kopije).
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke za izvođenje radova na tekućem održavanju pješačke šetnice (pločnika) sa trgov u ulici Maršala Tita (lijeva strana), pokrenut je Odlukom Općinskog načelnika o pokretanju postupka javne nabavke putem otvorenog postupka broj: 10/E-11-1826/25 od 11.3.2025. godine. Predmetna nabavka nije podijeljena na LOT-ove.

Na portalu javnih nabavki je objavljeno Obavještenje o nabavci broj: 848-1-3-19-3-82/25 od 17.3.2025. godine. Procijenjena vrijednost javne nabavke iznosi 508.210,50 bez PDV-a.

U krajnjem roku za predaju ponuda koji određen tenderskom dokumentacijom (10.04.2025. godine do 10:00 sati), na adresu ugovornog organa zaprimljene su:

- 4 (četiri) blagovremene ponude i to ponude ponuđača „FLEX INVEST“ d.o.o. Sarajevo, „MIBRAL“ d.o.o. Sarajevo i „DINALSA“ d.o.o. Sarajevo;
- Neblagovremenih ponuda (0).

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristiglih ponuda i nakon što je utvrđena urednost i blagovremenost dostave, pročitane su cijene ponuda i rok plaćanja, kao potkriteriji u okviru kriterija za dodjelu ugovora „ekonomski najpovoljnija ponuda“, kako slijedi:

RB	Ponuđač	Ukupna cijena bez PDV-a (KM)	Popust	Ukupna cijena bez PDV-a i popustom (KM)	Rok plaćanja (kalendarski dan)
1.	"FLEX INVEST" d.o.o. Sarajevo	459.595,50	/	459.595,50	30
2.	"MIBRAL" d.o.o. Sarajevo	487.623,94	/	487.623,94	60
3.	"DINALSA" d.o.o. Sarajevo	434.788,20	/	434.788,20	60

Nakon izvršenog javnog otvaranja ponuda, na zatvorenom sastanku Komisija III je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima. Komisija III je jednoglasno konstatovala da dostavljena ponuda ponuđača "FLEX INVEST" d.o.o. Sarajevo, ne ispunjava formalno-pravne, uslove, odnosno uslove iz tenderske dokumentacije.

Ponuda ponuđača „FLEX INVEST“ d.o.o. Sarajevo se isključuje iz daljeg postupka evaluacije ponuda, iz razloga što je ponuda ponuđača neprihvatljiva u skladu sa članom 2. stav (6) tačka I podtačka 2) Zakona o javnim nabavkama. Naime, ponuđač je u ponudi dostavio dokaz za tačku 7.3.1. pod b) tenderske dokumentacije koja nije pravilno popunjena, odnosno sadržaj iste ne odgovara traženim uslovima. Aneks 4. (Izjava po članu 51. ZJN) kao prilog tenderske dokumentacije se odnosi na uslov iz tačke 7.3.1. pod b) da će ponuđač angažovati stručno osoblje na poslovima izvođenja predmetnih radova gdje je jasno definisano: „Napomena: Izvođač je dužan angažovati stručna lica sa određenim obrazovnim kvalifikacijama i potrebnim radnim iskustvom te položenim stručnim ispitom za izvođenje svih faza radova, sve u skladu sa odredbama Zakona o prostornom uređenju Kantona Sarajevo („Službene novine Kantona Sarajevo“ broj 24/17 i 01/18) i odredbama Uredbe o uređenju gradilišta, obaveznoj dokumentaciji na gradilištu i sudionicima u građenju (Službene novine F BiH“, broj 25a/22, 42/22 i 93/22).

Ponuđač „FLEX INVEST“ d.o.o. Sarajevo u dostavljenoj izjavi po članu 51. Zakona o javnim nabavkama niti je zaokružio potrebne tačke zahtijevane tenderskom dokumentacijom, niti je u opisu potvrdio ispunjavanje gore traženih uslova, nego je naveden sasvim drugi sadržaj koji se odnosi na spisak izvršenih ugovora sa potvrdama o uspješnoj realizaciji, te zbirna vrijednost ugovora 500.000 KM sa PDV-om, „najmanje“ 1 ugovor u visini od najmanje 300.000 KM sa PDV-om. Sadržaj izjave po članu 51. Zakona o javnim nabavkama se trebao odnositi na tačku c), d) i f), odnosno o ispunjavanju uslova za angažman stručnih lica sa određenim obrazovnim kvalifikacijama i potrebnim radnim iskustvom, te položenim stručnim ispitom za izvođenje svih faza predmetnih radova u skladu sa odredbama Zakona o prostornom uređenju Kantona Sarajevo i odredbama Uredbe o uređenju gradilišta, obaveznoj dokumentaciji na gradilištu i sudionicima u građenju. Tačka f) Izjave po članu 51. Zakona o javnim nabavkama se odnosi na preduzimanje mjera upravljanja zaštitom okoline i mjera energetske efikasnosti koje će privredni subjekt primjenjivati tokom izvođenja radova. Ponuđač nije ispunio traženi uslov te se ponuda isključuje iz daljeg postupka evaluacije.

Komisija III je detaljnom analizom ponuda ponuđača „MIBRAL“ d.o.o. Sarajevo i „DINALSA“ d.o.o. Sarajevo konstatovala da iste ispunjavaju uslove iz tenderske dokumentacije, odnosno da su iste formalno-pravne ispravne i prihvatljive u smislu Zakona o javnim nabavkama.

Detaljnom računskom provjerom ispravnosti prihvatljivih ponuda „MIBRAL“ d.o.o. Sarajevo, i „DINALSA“ d.o.o. Sarajevo, Komisija III je utvrdila da su ponud računski ispravne.

U daljem toku postupka izvršena je ocjena i vrednovanje dostavljenih prihvatljivih ponud prema pravilima propisanim Zakonom o javnim nabavkama i podzakonskim aktima, kao i proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kao sastavnom dijelu tenderske dokumentacije.

Primjenom utvrđenih potkriterija: 1. Cijena 95%; 2. Rok plaćanja 5% i bodovanjem elemenata iz prihvaćenih ponuda, u okviru kriterija „ekonomski najpovoljnija ponuda“, u skladu sa članom 64. stav (1) tačka a) Zakona o javnim nabavkama, Komisija I je izvršila bodovanje dostavljenih ponuda kako slijedi:

KRITERIJ ZA BODOVANJE „ekonomski najpovoljnija ponuda“	„MIBRAL d.o.o. Sarajevo	„DINALSA“ d.o.o. Sarajevo
Cijena 95%	434.788,20/487.623,94x95= 84,72	434.788,20/434.788,20x95= 95,00
Rok plaćanja (kalendarski dan) 5%	60/60x5=5,00	60/60 x5=5,00
UKUPNO (bodovi)	89,71	100,00

Na osnovu izvršenog bodovanja, ponuđač „DINALSA“ d.o.o. Sarajevo ima ukupno 100 bodova, a ponuđač „MIBRAL“ d.o.o. Sarajevo ima ukupno 89,71 bod za izvođenje radova na tekućem održavanju pješačke šetnice (pločnika) sa trgov u ulici Maršala Tita (lijeva strana).

Shodno svemu naprijed izloženom, Komisija III je jednoglasno donijela odluku da se Opštinskom načelniku dostavi

PREPORUKA O PRIHVATANJU PONUDE

prvorangiranog ponuđača „DINALSA“ d.o.o. Sarajevo, Ulica Huseina Đoze br. 3, 71000 Sarajevo, ponuda broj: 0104/25 od 10.04.2025. godine za izvođenje radova na tekućem održavanju pješačke šetnice (pločnika) sa trgov u ulici Maršala Tita (lijeva strana), putem otvorenog postupka, sa cijenom u ukupnom iznosu od **434.788,20 KM bez PDV-a**, odnosno **508.702,19 KM sa PDV-om** i rokom plaćanja **60 (šezdeset) kalendarskih dana**.

Opštinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 7.500,00 KM u skladu sa članom 108. stav (1) tačka e) Zakona o javnim nabavkama.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe. Žalba se podnosi u dovoljnom broju primjeraka, koji ne može biti manji od 3 (tri).

Prilog: Zapisnik o pregledu i ocjeni ponuda
broj: 10/E-11-1826/25 od 15-04-2025 godine



Dostaviti:

1. "FLEX INVEST" d.o.o. Sarajevo,
Ulica Braće Mulića br. 79, 71000 Sarajevo
2. "DINALSA" d.o.o. Sarajevo,
Ulica Huseina Đoze br. 3e 71000 Sarajevo
3. "MIBRAL" d.o.o. Sarajevo
Ulica Srebrenička br. 1 71000 Sarajevo
4. Službi za stambene i komunalne poslove
5. Kabinetu općinskog načelnika –Odsjeku za javne nabavke
6. Službi za finansije
7. U spis

